

欽定四庫全書

征討類三

破凌霄軍報捷疏

賞奇功

據四川布按二司清軍右布政使馮成能具題

副使李江分守上川南帶管分守下川南道

在伯龍呈稱賊守四川總兵官南京守軍都督

等查該事劉顯手本開稱賊將沈陸卿等

多年所恃其穴地險東據重關九

王同利所據河首不

年三月二十一日

皇明奏疏類鈔卷之四十八

哈佛大學漢和
圖書館珍藏印

征討類三

破凌霄城報捷疏

曾省吾

據四川布按二司清軍右布政使馮成能兵巡下川
南副使李江分守上川南帶管分守下川南道叅議
沈伯龍呈稱鎮守四川總兵官南京中軍都督府署
都督僉事劉顯手本開稱照得戎縣陸鄉都蠻叛惡
多年所恃巢穴極險東據凌霄西據九絲凌霄被蠻
王阿苟所據若阿苟不擒必凌霄難破凌霄不破必
九絲難圖今本年三月二十一日該巡撫曾都御史

親臨敘南調兵集餉詢謀僉同又該巡按孫御史振
紀厲師遠增敵愾本職依行督令原任總兵郭成叅
將張澤等差武舉李之實設間把總謝秉華哨官陳
文龍等助同前去先將凌霄久叛蠻王阿苟并賊首
阿肉阿繆阿奎阿王保阿汝近六名計令下城隨該
通判洪一貫執謀擒獲於四月十一日解報又該本
職看得落豹惡淚坎二寨俱凌霄羽翼先應剪除密
令守備吳憲名色把總劉招桂等設伏馬草坡於本
日襲破落豹寨斬獲首級十顆俘獲被虜阿正朝等
四名又令坐營指揮葛瓊戎縣典史祝旦等攻破惡

淚坎寨斬獲首級三顆餘蠻奔入深箐房屋盡焚又
恐四鄉出救令洪雅縣主簿周崇恭把總何子宸等
於本月二十七日伏兵都都寨下堵截生擒叛蠻阿
關等四名斬首二顆又該會都御史差指揮李杜齋
捧 令旗令牌調取永寧宣撫奢効忠統領昇兵一
萬名前來進剿密諭本職先劄馬屎墩及行左布政
使羅瑤會計軍餉右布政使馮成能協理機宜兵巡
道副使李江隨營監督分守道叅議沈伯龍敘州府
知府陳大壯催糧開河綜理諸務通判洪一貫督運
糧餉同知曾可耕料理軍器推官高文炳紀驗功次

威州知州羅向辰贊畫賞功於二十八日逼進凌霄城分布本職親率漢土官兵分爲六枝把總吳鯨等進劄柳公營右把總劉招桂等進劄柳公營左原任總兵郭成督同把總呂崇舟鹽亭縣主簿汪東秀等進劄弔兒嘴攻五斗壩參將張澤督同指揮申大謨武舉胡祿等進劄胡公營以取凌霄又令宣撫奢効忠先分精銳昇兵一枝協攻五斗壩并將餘下昇兵分爲數營圍劄凌霄城下以防奔潰本職親督部下官兵坐營指揮葛瓊等與各營刻期並進兵部委官指揮孫鐙王孝先同催把總劉招桂等四面攻圍又

該兵巡道率通判洪一貫并威州知州羅向辰親行督戰各兵攀藤附木呼噪爭先賊衆滾木礮石標弩亂發當被我軍鳥銃火箭打傷二十餘蠻道寨固守二十九日又該會都御史遣發火牌傳諭各兵務要奮勇用命以膺重賞如有怯懦退縮即便梟示該本職率同郭成等催兵攻上五斗壩劄營五月初一日各兵奮勇直前鳥銃打退衆蠻搭橋越過深溝用火箭射燒巢門小房有勇兵鄭龍等四人奮勇當先鄭龍被標石亂打頭破血流不退衆兵乘勢一擁齊進前後夾攻焚燒巢屋火焰燭天喊聲震地我兵登城

直搗巢穴各蠻墮崖死者不計生擒蠻王阿么兒胡
大漢并蠻衆共九十五名口斬獲賊首楊茂惠阿相
馬兒等首級一百一名顆燒毀賊房二百餘向倉二
十間穀豆無數奪獲水黃牛三十五隻羊五十八隻
猪四十一隻酒七十八壘火腿二十五件標二百七
十七根弩一百八十二把弩箭一千三百七十九枝
梭鎗一百二十六根皮鼓三十五面當陣將牛羊器
械等項會同監軍道隨宜給賞衝鋒兵勇訖陣亡漢
士兵三名重傷一十一名輕傷四十六名又據緣事
都司韓似甫呈報在於小堡地方拏獲叛蠻細作阿

雷并解阿漢首級一顆又典史祝旦督遊兵李仁等
生擒蠻賊尹金榮一名解道紀驗等因准此該各道
查得凌霄城功次總兵劉顯部下官兵斬獲首級三
十一名顆生擒一名原任總兵郭成部下斬獲首級
十名顆生擒蠻婦一口叅將張澤部下斬獲首級十
一名顆生擒一名坐管指揮葛瓊下斬獲首級二名
顆宣撫奢効忠下斬獲首級四十七名顆生擒九十
二名口通計前後擒斬蠻賊共二百二十四名顆俘
獲被虜監生胡天錫等五名牛羊猪隻夷器共二千
一百三十三隻件燒燬賊房倉廩共二百二十餘向

功雖不多險寨已破大舉九絲爲力已易并稱山都蠻長阿苟先年同父阿共大肆猖獗案行招撫給賞冠帶管兵食糧仍復叛逆與義子阿么兒雄據凌霄擅擡大轎黃金蟒衣僭號稱王又招賊首阿肉爲義婿及糾阿套阿繆等與各鄉都蠻肆出焚劫攻陷邊堡強姦民婦羅氏女冬兒不從登時碎剗支解將民喻正文開膛殺血祭旗捉綁百戶張汝昆等并殺虜軍民數百又於萬曆元年出劫高樓子等處殺死生員胡一侗并居民文中等三十五名口虜去監生胡天錫一家二十一名口并董從元等一十九名殺傷

傅成貴等一十三名口燒燬房屋三十向搶去牛馬二十九隻猪羊百餘節據府縣衙門申報在卷呈乞具題等因到臣案照先該臣將計處都蠻事情於三月二十日具題隨撫臨敘州府督同司道將領各官及調奢效忠領兵前來相機勦間四月初六日准兵部咨爲貪肆將官等事該兵科給事中李熙論劾總兵劉顯閩蜀貪縱不職該部議復四川總兵之設專爲議剿都蠻今自設此官再更鎮守尚無定議老師費財甚非長策相應併議合候命下本部馬上差人咨行巡撫四川都御史曾省吾會同巡按

御史查勘本官履任以來有無痛加懲創克蓋前愆
議剿都蠻有無師期作何議處據實具聞等因題
奉欽依備咨差指揮王孝先領齋前來除會同巡
按御史孫代案行布按二司勘明另行具奏外該
臣一面集議師期一面設法計劃及行總兵劉顯仰
體朝廷使過至恩務宜矢心立功刻期滅賊以贖
前愆隨該總兵劉顯半月之間先計擒首惡阿苟等
解報隨督率官兵分定哨道於四月二十八日直至
凌霄城下晝夜鏖戰顯與副使李江等懸賞合謀催
督官兵攀藤附木四面夾攻於五月初一日賊勢披

靡遂破凌霄生擒賊首阿么兒等九十五名口斬獲
首級一百一名顆呈解前來并將凌霄城分撥我兵
二千名割定該臣公同守巡各道將首惡阿么兒胡
大漢阿六小么阿順阿么阿叫阿臺三哥胡大金張
慶才十一名先行斬首梟示以彰國法外參照山
都蠻王阿苟蠻長阿肉等豺狼異類久負固於凌霄
梟獍兇資肆憑陵於焚道恃天險之勢而吞噬無常
期法網之疎而跳梁見怪累歲挾撫而益逞狂心先
後殺傷奚止萬餘生命諸蠻煽從而大張虐焰老幼
荼毒遍於六縣鄉村至於解肢掘墓以張劫衆之威

剖婦剗兒以爲橫槊之戲誠擢髮難數其罪而梟首
不盡其辜者也但以聽招欵我而官兵久墮其奸又
以據險稱雄而逋逃咸入其藪滋蔓難圖漸成尾大
爲日久矣及查成化年間兵部尚書程信襄城伯李
瑾攻圍凌霄城六十六日始破今僅三日破之我兵
劄定虎視都蠻以臨九絲有如破竹之勢此皆仰賴
我 皇上 聖武布昭 天威震蕩 廟謨神算
鼓舞臣工所致 臣等安能仰裨其萬一哉求之二百
年間寔此方曠見之奇捷其在今日已足爲平定張
本 臣待罪地方不勝慶幸除將各犯固監聽候

明旨俘獲賊屬男婦變價入官被虜人口給主收領
叛蠻田地一面踏勘有功效勞文武等官通候大征
九絲完日併敘軍勇士兵照格給賞陣亡被傷軍兵
照例優恤外今將前項獲功緣由先行 奏報以紓
九重西顧之憂伏乞 皇上 勅下該部再加查
議將首惡阿苟等轉行四川巡按御史明正典刑以
肅法紀以快人心所獲功次通行查覈候併敘錄施
行

蕩平都蠻敘功疏

曾省吾

據四川布按二司清軍右布政使馮成能分守上川南帶管下川南道右叅議沈伯龍兵巡下川南道副使李江呈准鎮守四川總兵官南京中軍都督府署都督僉事劉顯手本開報敘戎都蠻稱亂二百餘年荼毒生靈撫剿未定近該巡撫四川曾都御史肅將明命積餉徵兵巡按四川監察孫御史振紀宣威申明天討布按諸司守巡等道協謀共慮及府州縣大小官員趨事赴公本年五月初一日克破凌霄城六月十九日克破都都寨八月初旬進兵該本鎮躬同

監軍道李副使督同原任總兵郭成敘瀘參將張澤
守備沈茂吳憲等遵照曾都御史分投調到漢土官
兵布爲五大營併力齊攻於本年九月初九日子時
先鋒兵一千名乘雨霧銜枚捫蘿密取一路用飛梯
連接扒上九絲城各營官兵黎明接戰上下夾攻蠻
衆拼命拒敵我兵奮勇血戰自子至午賊始披靡官
兵乘勝焚燒寨房數千餘所燒死惡蠻不計其數在
陣擒斬共計一千六百餘名顆俘獲蠻婦牛畜銅鼓
夷器查明解發紀功官紀驗明白轉解外併將各擒
斬有功員役分別願錄願賞願贖罪緣由到道卷查

隆慶六年十月初九日准總兵劉顯手本據指揮郭
文報稱本月初八日被蠻王方三哥賊首阿羊兒等
勾引蠻賊在於高樓子地方坐草捉虜民婦牛畜本
職親督標下指揮把總等官郭文劉招桂吳鯨呂崇
舟劉天俸周于德張大祥郁鳳郭添虎周紹先張仲
安杜栻楊文燁追敵各蠻獻出原虜人口於十四日
寅夜各上寨拒守我兵復追至彼攻戰當被官兵用
鳥銃火器打死者百餘傷死者不計十七日劉顯發
兵三路仰攻焚燒方三賊寨當陣生擒二名斬首一
十七顆賊婦二口得獲標弩等器五十二件十一月

初八日千總頭目宋三元阿賴阿問等督兵阿店等
擒獲阿羊兒又該劉顯看得上羅門得居落下紅崖
等鄉叛蠻前來助敵先當剪除於十二月二十七日
夜督發名色把總羅順哨官楊啓茂周坤山羅汝敬
千總宋三元與阿賴等及蒲九思嚴汝登率領夷兵
又發守備楊能同標下把總劉招桂吳鯨督領遊兵
鳥銃手將各寨燒燬擒斬惡蠻一十七名顆墮崖燒
死者不計萬曆元年二月十五日據叅將張澤飛報
百戶于謙典史祝且領兵往螺螄寨出哨被叛蠻五
千餘衆出犯在彼將各官兵并居民圍住見在敵殺

請兵應援劉顯卽統標下官兵吳鯨劉招桂周于德
張大祥郁鳳程裕後等馳赴接應一面先令張澤督
率把總呂崇舟指揮千戶等官劉天智彭良啓申大
謨等下兵勇奔至地名八望山正遇各蠻彼此戰敵
官兵奮勇當陣斬獲蠻級九顆鳥銃火器傷死甚衆
各蠻俱退上凌霄城倚險拒敵又據張澤呈報蠻王
阿苟見得官兵敵殺恃惡聚衆凌霄要行報復本職
親統標兵徑往長寧縣潛伏截殺又密發楊能吳憲
監生何鈺各統部下兵勇於三月十一日分路進攻
黃泥坡官兵肆面舉火燒死蠻王婦女難計其數被

蠻首阿豹率衆拚死出城抗敵當被我兵殺死阿豹
阿逆等百餘跌崖死傷者亦多比因雷雨交作止有
楊能下家丁楊世榮等吳憲下家丁吳才等何鈺下
家丁何勝等把總龔絡與兵勇趙一忠劉佐李汝學
李萬添阿黑阿二阿熊么等各斬首一顆共計一十
三顆備報在卷隨奉本院案行都布按三司會議大
征事宜詳允及行左布政使羅瑤會計軍餉本月二
十一日奉本院誓師敕南謂此舉將以除數百年之
妖氛申億萬人之怨恨非特征不庭於罔赦且用遏
不逞於未行各宜奮勇抒忠布昭 神武務在犁庭

掃穴震疊 天威乃出定議以決狐疑傳諭檄以激
虎士申明信賞必罰毋或有初鮮終破隣夷暗助之
積奸散漢人脅從之餘黨進兵之時戒貪取首級之
功嚴濫殺長幼之禁分行右布政使馮成能協贊機
宜副使李江監軍叅議沈伯龍理餉分守川南道叅
政王宮用督糧水利茶法道僉事周思克紀功又委
知府陳大壯措辦軍需同知容朝望知州羅向辰知
縣陳嘉言楊汝楠等隨營分理推官高文炳查驗功
級同知曾可耕通判朱克丘梁師道立推官吳文全
知縣沈植張九思等查核軍情督運兵餉又委經歷

照磨州同州判縣丞主簿典史巡驛等官陳忠楊文
楣馮梧等或僨船押運或分管收支或買辦催造俱
各遵照定委事務協心供職隨奉本院密行總兵劉
顯及郭成張澤差武舉李之實設間把總呂崇舟謝
秉華哨官陳文龍助同於四月初十日前去凌霄城
下將久叛蠻王阿苟并賊首阿肉阿繆阿蚤阿王保
阿汝近六名計令下城隨據通判洪一貫執謀擒獲
劉顯卽親統坐營指揮葛瓊把總等官郭嘉福等將
落豹高寨克破當陣斬首十顆俘獲小蠻一名被虜
阿正朝等三名二十四日又發把總李崇舟等官兵

將惡淚坎等寨克破胡祿呂崇舟下兵勇蕭世德等
斬獲首級一顆百戶于謙隘官湯洪儒下兵勇林應
朋等斬獲首級一顆典史祝旦下兵勇夏應廣等斬
獲首級一顆二十七日葛瓊督令主簿周崇恭把總
黃希忠何子宸百戶樊啓元土舍阿恩隘目阿牛領
兵阿降阿改等生擒叛蠻阿關等四名口斬獲首級
二顆及調永寧宣撫奢効忠領兵前來劉顯督同郭
成張澤等官兵於五月初一日大破凌霄城除已具
題外所有應敘功次劉顯標下官兵吳鯨劉招桂周
于德郁鳳張大祥聶永相劉天俸王文信黃彩阿富

皇明嘉靖朝金 卷之四十八
沈潮王文通彭應元陳清張宋王愷楊道劉天貴劉
天坤龔絡彭良啓張明徐良華阿鬧羅廷甫鄧朗蒲
九思吳憲杜栻趙揚王用等各斬獲首級一顆共計
三十一顆主簿方昂督同地方白臺等擒獲被虜一
名郭成部下兵勇鄭龍等四名奮勇先登官兵阿天
張成汪汝高李朝實李仲江阿母徐軻呂崇舟汪東
秀汪貴等各斬獲首級一顆共計一十顆陳祥等生
擒蠻婦一口張澤部下官兵汪應保張保王義申大
謨王貴阿刀翁銀劉仁富葉倭朝彭四尹虎等各斬
獲首級一顆共計一十一顆葉倭朝等生擒一名葛

瓊下家丁葛天貴等斬獲首級一顆又與報効田世
武共斬獲首級一顆宣撫奢効忠下昇兵斬獲首級
四十七顆生擒九十二名口內一名係蠻王阿么兒
共俘獲被虜監生胡天錫等五名燒燬寨房二百餘
向倉二十間穀豆無數奪獲水黃牛三十五隻羊五
十八隻豬四十一隻標二百七十七根弩一百八十
二把弩箭一千三百七十九枝梭鎗一百二十六根
皮鼓三十五面劉顯會同副使李江當將牛羊器械
給賞衝鋒兵勇訖又據原任都司韓似甫呈報差兵
勇李榮等在於小堡地方拏獲叛蠻細作阿雷并斬

皇明奉正典
獲首級一顆典史祝旦督領遊兵李仁等生擒蠻賊
尹金榮一名本月初十日又奉本院案驗照得大征
郁蠻竊聞道傍之議尚有引二百年故事爲說者此
必畫於凌霄之功今兵精糧足該鎮雖以閩事被論
朝廷特爲勉留於此不感激思奮抑獨何心今奉
明旨查勘有無師期成算仰道通行將領各官約期
面議各吐肝膽審機宜決猶豫叅伍衆見會通羣心
歸於至當將運用次第密書成冊具報各官卽到敘
州府會議明白當蒙本院與總兵劉顯議同先克都
都寨斷其左臂以便進兵調取鎮雄府土舍隴清領

兵前來於六月十五日夜奪占阿元寨子并發官兵
將平寨高寨董木壩蠻房千餘間盡行燒燬十七日
劉顯與郭成催發把總劉招桂呂崇舟等領兵將紅
崖坡底一帶大房燒燬十八日劉顯督令郭成并守
備沈茂及隴清分兵仰攻有劉顯標下把總劉招桂
張大祥郁鳳應襲舍人楊維新等當陣共斬獲首惡
阿黑王阿廖王等首級四顆又密令把總吳鯨等於
本日夜襲破都都寨除已具題外所有應敘功次
坐營官葛瓊守備沈茂與吳鯨周于德李武王愷程
裕後劉天俸王茂周紹先龔絡千總龍鳳劉天受副

皇明奉天縣志卷之四十一
總劉天元應襲劉綖同家兵葛進忠等於十九日各
斬獲首級一顆共計一十五顆指揮郭文軍兵孟道
奴生擒阿造一名郭成部下把總呂崇舟邵榴劉汝
梯徐軻兵阿二等各斬獲首級一顆共六顆奪獲被
虜羅應元一名隴清下兵余子敬等斬獲首級七顆
奪獲被虜李六生徐萬祖二名各蠻墮崖死者不計
燒燬寨房二千餘間奪獲穀稗纂七百六十餘挑牛
四十一隻犬四十五隻銅鼓二面皮鼓五面梭標三
百二十六枝破壞斑竹梭竿三千一百三十枝弩十
把弩箭九百八十八枝刀十六把夷甲一十二領夷

盔九頂茶一十二簍當卽分散官兵訖二十一日劉
顯標下旗牌官唐民育賚畫官王用夷目兵阿熊么
等於兩河口斬獲首級五顆把總黃希忠等生擒阿
睿一名監生何鈺等奪獲被虜一名熊叅二十六日
千戶陳一策等於水車壩擒獲奸細一名阿鞅七月
初五日郭成部下官兵指揮魯興周百戶張宗和把
總郁鳳等同家丁於印壩山下生擒阿歐阿當阿結
三名家兵劉天受等斬獲首級一顆兵鄭龍郭友義
等俘獲蠻男阿瓦長兒阿完三名被虜羅萬富三受
阿元阿五楊保五名奪獲蠻甲二領梭鎗一枝初八

日戎縣申報民兵張侯等生擒一名阿逃二十三日
原任都司韓似甫家丁韓果等於合麻溝生擒阿掛
一名標一枝以上并分布官兵緣由具題訖比有
阿大王領慣戰惡蠻千餘劊上雞冠嶺險絕異常阿
二王方三王等糾合蠻衆札上九絲城與雞冠嶺相
對城下周圍四十餘里俱絕壁懸崖勢難飛越僅一
二鳥道人跡略可容足者並列排柵九層削山爲塹
絕竹爲梭懸石當空投標絕谷我兵雖衆連營正在
兩山之中萬仞深溝之側阿大陽稱就撫陰結九絲
期以官兵進攻先後夾擊使我兵腹背受敵諸將莫

敢輕進隨奉本院差官齎捧令旗令牌一面催兵
進攻九絲一面密諭道鎮并發原充通老見問軍罪
犯人黎朝佩等暫齎冠帶銀牌往諭阿大天兵四臨
許待以不死如敢暗助九絲定另發精兵先剿及將
續調馬湖天全土兵列爲外衛以牽制阿大該劉總
兵隨機用計將雞冠黃土內官等寨郭成亦將母猪
弔猴崖都得金等寨奢効忠亦將落武落坳得居印
靶山等寨各蠻俱暫准稱降仍差把總劉汝悌徐子
明監生何鈺及黎朝佩通老徐志趙興敬分投在寨
坐守何鈺等設間許以重賄佯言某欲殺某投降又

該招出降夷羅萬良等二千二百五十四名口各與安置衆蠻因此互生猜疑觀望不發我兵得以專力九絲乃分兵五枝各路齊進七月二十四日蠻王方三聞知張澤在長寧縣賞兵東路兵虛乘間差蠻突出搶虜運糧史壩驛驛丞董思明仍四面伏草希圖掩襲職官以從我兵銳氣該劉總兵一面行守隘官嚴加防禦一面行各營合圍進剿二十六日督領都司徐仁威侯一位原任遊擊吳繼祖守備沈茂吳憲石柱宣撫馬斗斛平茶邑梅天全各土官舍楊正崇楊通承高恒等進劄黑帽尖山鑿山開道截水造橋

又蒙本院看得各寨被虜人民畏懼大兵思歸無路牌行副使李江速製招旗小牌齎發各寨令其執牌速出及示諭各營官兵如有妄殺被虜查出抵死一時漢人奔命逃回者不計其數二十七日郭成下哨官郭天智等於都都寨脚下奪獲被虜一名吳應受二十八日家兵史朝應等於都都寨下生擒一名阿庚被虜二名王伸劉轉么又指揮郭文同家兵帥自俸等於深溝子斬獲首級一顆奢効忠下羿兵小罕兒等斬獲首級一顆戎縣典史祝旦通老趙萬聰等於得廣寨斬獲首級一顆二十九日宣撫冉維屏發

兵於兩河口斬獲首級一顆高縣知縣何汝質申報
督令募兵郭東山等生擒奸細一名小意八月初六
日劉顯發把總周于德張大祥百戶王鶴齡守備吳
憲指揮李承恩千戶韓京同家丁周貴等於九絲半
坡得羅斬獲首級各一顆共六顆同日叅將張澤督
領原任守備立功官田世武指揮申大謨宣撫奢効
忠等官兵進劄穀爆寨初七日劉總兵攻上九絲半
坡劄營將周圍斑竹都荅上中下三寨盡行焚燒各
蠻與官兵迎敵鏖戰一晝夜當陣應襲劉綎把總杜
祇郁鳳守備沈茂旗牌官唐民育武生黃時濟王德

義并蒲九思吳應龍同家丁張清等各斬獲首級一
顆共十顆初八日敘州府經歷陳忠下家丁陳增把
總王愷并孫自庸吳應試吳應龍等各斬獲首級一
顆共六顆初九日郭成督領指揮魯興周宣撫冉維
屏石耶土舍楊正魁等官兵進劄印靶管各蠻前來
落外迎敵隨發指揮魯興周魏祖百戶葉茂林把總
呂崇舟等領兵前去接戰鳥銃打傷百十餘蠻死者
六十有餘當陣把總呂崇舟邵榴總旗張簞張永得
哨官董國臣兵勇徐世臣等各斬獲首級一顆共十
顆奪獲木竿梭槍皮鼓六件宣撫冉維屏下頭目海

通等斬獲首級二顆同日宣撫奢効忠下兵沙奮於
麥易營斬獲首級一顆十一日叅將張澤督兵劄上
半坡以攻九絲之右十三日郭成下家兵郭友忠等
於得金寨斬獲阿宰王首級一顆十四日劉總兵發
降夷阿果等於九絲半坡路口斬獲首級二顆十五
日兵劉武臣等斬獲首級二顆十六日張澤下哨官
劉安義等於漏箐兩河口擒獲蠻婦什淚什美二口
小蠻二名十七日奢効忠發兵攻打九絲拜兵者榮
等斬首一顆十九日拜兵阿胡等斬首一顆二十日
郭成領兵進劄九絲山下同日奢効忠發兵攻打九

絲冠帶邵明邦兵羅住等斬獲首級六顆被虜阿問
張真狗胡正受三名藥箭射傷三十餘蠻二十一日
又奉本院看得蠻啞得窰地方茂林深澗慮恐各蠻
仍舊突出搶糧截路行委原任都司韓似甫領兵劄
得窰口松潘東路叅將胡大賓領百戶邢仁等兵劄
蠻啞口以防奔逸兼護糧夫二十四日劉顯發廕襲
土舍文安民下兵攻打九絲家兵黑保扁頭等斬獲
首級二顆二十五日張澤下兵陳友贊等於九絲脚
下斬獲首級一顆奢効忠發兵攻打九絲拜兵阿朽
等斬獲首級三顆俘獲蠻男女阿杓阿后阿燥三名

皇明嘉靖庚申年
卷之四十八
口被虜黃秉朝一名二十七日劉顯下指揮郭文守
備沈茂吳憲并吳應龍等於黑普寨各斬首級一顆
共四顆同日郭成發兵攻打九絲兵勇涂永相等斬
獲首級四顆二十八日鎮雄土舍隴清領兵進劄得
二得羅等處及奉本院訪得鄰近土司先年調征都
蠻乘勢貪財因機受賄陽稱攻剿陰肆交通往往無
功反遭挫劔牌行各土司痛除往弊如有包藏禍心
日久無功卽係賊黨事完定行移兵并剿二十九日
高縣知縣何汝質申報操兵阿鍾伏等於蘇灘擒獲
奸細一名阿卦又本院遣發火牌行監軍道示諭各

營官兵務宜竭忠畢力以受殊賞若觀望退縮有不
用命者該道卽時綁赴旗牌前斬首示衆并諭各兵
進攻之日止令擒斬兇狠首惡其老弱幼小之蠻只
許生擒不得槩殺該副使李江同總兵劉顯督令五
路漢土官兵自九月初一日起不論晴雨晝則八面
齊攻夜則攀崖襲寨賊設排柵九層當用鳥銃挨牌
打死蠻衆不計各蠻仍拚死固守梭竿礮石標鎗伏
弩下擊如雨又值霖雨黑霧咫尺不辨人形相持不
下隨奉本院申諭原議蕩平九絲懸賞銀三萬兩各
營官兵有能效命先登直搗巢穴者不拘擒斬多寡

皇明嘉靖庚申 卷之四十八 二十一
為第一功多給懸賞續上九絲獲功多者為第二功
量給懸賞其在城下獲功者為第三功止計功給賞
又蒙密諭道鎮各營合擊須取一路密登俱經遵奉
傳諭諸將初二日奢効忠謀襲九絲遴選死士乘夜
偷上九絲被賊驚覺交戰殺死蠻眾不計昇兵亦陣
亡重傷數多乃退兵回營初六日李江劉顯密謀議
將把總吳鯨標兵與官舍楊正崇土兵內挑選勇士
各懸重賞諭令周于德同領襲攻初七日郭成親統
部下把總呂崇舟等并土官冉維屏土舍隴清各兵
豎立敵樓奮勇齊上克破叛蠻當關倉囤直逼九絲

第二層鳳頭尖山幾至絕頂被蠻眾拚死迎敵拋放
礮石梭竿甚眾郭成督兵就彼屯營拒守復奉本院
差官申巖號令并取先鋒甘結諭令脇從速獻首惡
投降以免屠戮又蒙巡按孫御史憲牌催督將領官
兵協力攻剿速破蠻巢初八日劉顯標下指揮把總
等官周紹先尹從壽羅袍文簡王嘉印等各斬獲首
級一顆共五顆同日吳繼祖赴李副使稟稱平茶衝
鋒兵仍要重賞方肯襲巢隨行知州羅向辰動銀三
百兩給發楊正崇分散各兵仍另外許以重賞至一
更時分吳鯨周于德與楊正崇親赴劉總兵帳房內

密諭蠻衆連日苦戰明日重陽蠻俗賽神又見官兵
攻打常待天晴今大雨如注必放心飲酒正可出其
不意仍傳箭各營刻期接應密令吳鯨等督發原選
衝鋒漢土兵一千名乘雨攀藤啣枚縋上懸崖伏至
黎明砍開寨門殺死守門惡蠻放銃集兵賊衆驚覺
拒敵隨有把總劉天俸周紹先及馬斗斛楊通承等
漢土衝鋒兵登山接應當得總兵郭成安大朝參將
張澤及奢効忠冉維屏隴清等兵四面齊攻協力截
殺焚燒寨房三千餘向倉一百餘間煙焰燭天砲聲
震地各兵分投擒斬大破九絲城巢穴一空除燒死

墮崖落斬死者不計外劉顯標下守備指揮把總千
百戶等官沈茂吳鯨郭文周紹先朱承勛陳一策劉
天俸廖道亨羅袍文簡劉綖劉天元黃希忠郁鳳周
于德張大祥徐慎王安國侯高劉招桂楊瑚彭良起
王思相李承恩王鶴齡尹從壽王嘉印王用修吳憲
吳應龍陳才劉亨何鈺王茂龔絡王用杜拭費孔年
周崇恭劉瑄李衡劉添智劉添俸王愷程裕後賈奎
蔡欽倪能吳元勳余希忠孔繼祖郭之屏潘繼武李
宗望蘇繼武宋震劉汝茂徐子明朱明李旺王尚賓
等并平茶官舍楊正宗邑梅長官楊通承石柱宣撫

馬斗斛土舍馬邦文天全土舍高恒楊萬盛平夷土
舍王用文等斬獲首級連前伍顆共一百八十四顆
生擒阿埽阿甕等六十五名奪回被虜阿旺等七名
口郭成部下指揮把總千百戶等官魯興周呂崇舟
郭天心徐軻塗可達魏組楊應昇樊啓元秦松朱承
勛汪東秀鄒文黃忠邵榴葉茂林聶永相葉拱南耿
應元王安國馬昇張國奇陳暉郭天祿吳浦宗徐春
齡徐軻謝秉華何恩郭紹榮潘體乾李獻忠劉汝悌
李冒等并酉陽宣撫冉維屏石耶土舍楊正魁鎮雄
土舍隴清等兵共斬獲首級一百五十三顆生擒阿

謝王阿育王等一百五十八名口奪回被虜阿賞阿
龍會等一十六名口安大朝部下指揮把總千百戶
等官韓似甫安世爵周世祿周應武朱伏朱鸞等官
兵共斬獲首級四十九顆生擒阿篩等四十四名口
奪回被虜阿伏兒一名張澤部下指揮把總千百戶
等官申大謨田世武胡祿吳賢魏仕化張之維張承
宗張潤吳烈郭銳戚芳夏奇張仁王世達于謙葉鳳
張舟張潮用楊堂丁鶴年胡福劉安義拜土官土舍
奢効忠等兵共斬獲首級三百九十八顆生擒首惡
阿惡阿亨阿印阿鷲等五百二十四名口被虜回生

皇明嘉靖紀略卷之四十八
等四十名口各營奪獲諸葛鼓一十二面校標弩一
萬五千餘件水黃牛一千一十隻穀穗約一萬餘挑
官兵乘勝於本月日期不等追捕餘蠻破毀得茂落
外得二得杭羅門筆架印靶紅崖得居穀爆崖頭扇
子洞惡淚等寨各蠻奔逸母猪雞冠弔猴各處隨牌
差黎朝佩等行原委坐寨官徐子明劉汝悌邵明邦
前去用計誘出母猪等寨詐降酋首阿瓦阿早等四
十五名過郭成營中乘夜將阿瓦等擒綁解報有阿
大等自恃雞冠險寨擁兵不出該劉顯督令郭成安
大朝張澤統領漢土官兵於十九日子時奮勇齊攻

燒焚巢屋一千餘向倉二十餘間穀穗數千餘挑衆
蠻逃奔絕嶺劉康拒守官兵晝夜鏖戰至二十二日
寅時克破雞冠嶺并周圍蠻寨得柔黑普得金都金
內官黃土小毛壩黃毛岡落雨溝落晚落日脚板溪
洛瓦浪哇五村得羅等寨劉顯標下官兵沈茂劉天
中吳鯨周紹先吳憲李承恩劉招桂王愷郭文尹從
中吳繼祖陳嗣昌倪能文簡羅袍王嘉印劉縱王鶴
中黃希忠劉天元龍鳳劉亨劉天受張廷瓚郭嘉福
中深李建郭天禮李甫周于德黃時濟夏良貴宋三
元韓京羅順王茂吳元勳李必祿羅從受張興王繼

先鄭元勳并宣撫馬斗斛官舍楊正崇楊通承等土
兵共斬獲首級二百五十顆生擒首惡阿荅王小阿
富阿苗阿果阿鄒阿高阿堯等一百三十七名口奪
回被虜紫受等二十四名口郭成部下官兵呂崇舟
郭天心葉桂陳元彭應年樊啓元張貴汪東秀黃彩
邵榴陳暉葉茂林鄒虎李貴徐慎蔡亨周勳魏組聶
永相侯貴劉海孫鐙張安福汪章余福何恩并土官
土舍冉維屏楊正魁等斬獲首級二百零七顆生擒
阿處等連前阿瓦等四十五名共一百零七名口奪
回被虜阿羅二等三名口安大朝部下官兵許仁向

伏三張貴沈乾保馮興七等斬獲首惡阿花并首級
一十四顆生擒梅條等一十四名口奪回被虜阿來
一名張澤部下官兵胡祿張潤劉天榮湯鴻儒王嘉
禾胡啓朝等并葉俸朝丁鶴年夏奇吳賢吳啓胡福
申大謨劉衛陳志臯陶漁王顯祖祝旦等攻破小凌
霄水樓寨和尚寺等處及奢効忠等共斬獲首級一
百八十四顆生擒阿坳阿八等一百二十六名口奪
回被虜阿二狗等二十名口奪獲諸葛銅鼓十面皮
鼓二面穀穗約九千餘挑松潘叅將胡大賓下兵勇
陳三等生擒阿麥等二名續奉本院差官執牌曉諭

雞冠嶺險寨雖克首惡阿大等尚逃未獲而轎頂母
猪等寨亦未蕩平頒懸賞格鼓舞士心戮力盡剿又
蒙本院親臨珙縣督厲官兵協謀搜捕二十六日劉
顯督發應襲劉縉及周于德劉招桂吳鯨劉天俸王
茂徐子明兵勇周儉等各率部兵追搜林箐蠻王阿
大仍領賊衆百餘據險抗敵官兵奮勇大戰自寅至
午劉縉爲首周于德劉招桂吳鯨周儉阿寅爲從衝
入賊陣生擒阿大并叛蠻阿傲等共二十名斬獲首
級一十一顆比弔猴崖衆蠻據劄山頂自恃周圍壁
立三十餘丈止有一線窄徑人不可登逞兇抗敵我

兵對山找搭敵樓四座各十二層上用發貢鳥銃交
擊各賊水食俱乏勢甚窮迫至十月初七日劉顯設
計誘下數蠻各管官兵乘機攻上險寨及將山下落
夏落戊得金得果魚兜深溝落卜池白所定丁革斗
涂塢落引等寨巢穴焚剿一空劉顯標下吳鯨劉招
桂周紹先張大祥沈茂吳憲郭文龔絡帖文華李衡
李繼勳伊惟衡黃希忠郭朝儀朱承勳耿應元侯高
陳初芳楊忠朱孔顏并宣撫馬斗斛等共斬獲首級
連前十一顆共一百一十七顆生擒阿般阿略阿喜
等連前阿大等二十名共六十一名口奪回被虜阿

更等二名口郭成部下呂崇舟聶永相謝秉華葉茂
林李藤徐軻廖道亨魏組李獻忠吳國正梁必登孫
鐙等并士官馬斗斛等共斬獲首級一百一十四顆
生擒阿義王阿貢等五十三名口奪回被虜阿么兒
等五名口安大朝部下官兵殺手張林張童等斬獲
首級六顆生擒阿來阿山等六名口張澤部下官兵
申大謨田世武胡祿張潤胡福楊堂蔡亨張保張舟
郭天龍吳烈江朝宗張之維于謙戚芳劉衛等并土
官舍奢効忠奢崇禮天全土婦馬氏等土兵共斬獲
首級九十二顆生擒阿好阿桀阿掠等四十七名口

被虜陳七生等二名口共奪獲諸葛銅鼓五面標槍
一千九百餘件黃水牛二百八十二隻初九日總兵
劉顯發兵攻圍母猪寨比方三率眾拒敵當有把總
龔絡及劉招桂吳鯨劉天俸張潤郭文呂崇舟為首
周儉陳汝夷陳春周紹先為從衝入陣內擒獲蠻王
方三把總徐子明訪知雞冠寨箐林中尚有蠻賊逃
匿前去搜捕間當被眾蠻拒敵陣亡劉總兵仍行郭
成安大朝張澤等各哨漢土官兵協力攻打母猪寨
密令劉汝悌等率領降夷上寨計誘招降十一日郭
成擒獲方三義父首惡阿祖王招出羅萬良親族羅

朋等一百二十七名口十二日五更時分諸將標兵
及冉維屏奢効忠等各奮勇攻上母猪寨焚燒蠻房
千餘所燒死蠻賊不計并破周圍蠻寨落拘得空應
童青岡落埋貫大黃土妹都黑羅等處劉總兵標下
周紹先吳鯨郭文尹從壽廖道亨李繼勳趙爵郁鳳
周于德王用劉天元陳增芳劉招桂劉天受張國現
劉瑄李必祿周山劉廷俊黃希忠李清侯一位韓京
吳從周朱願等官兵共斬獲首級一百二十四顆生
擒阿甕阿打阿弓等連前方三共九十七名口奪回
被虜阿友兒等六名郭成部下呂崇舟徐軻陳元邵

榴聶永相郭天心劉汝悌樊啓元李藤陳暉潘繼武
周世祿魏洪仁張得爲楊應昇張安福張成伊惟衡
周繼商李宗望楊忠郭紹榮陳於道汪童秦松李承
祖謝愛張英孫鐙魏組甘祿周勳袁洧方登龍徐椿
齡程希閔并土官舍冉維屏楊正魁隴清隴寄梅等
共斬獲首級二百六十三顆生擒阿閏王阿綱王阿
貢王阿浪王阿益王阿勞王等一百九十六名口安
大朝部下官兵韓似甫單廷勳詹春陽馮興七安世
爵等共斬獲首級三十二顆張澤部下官兵申大謨
田世武胡祿張潤吳賢張承宗張懷定楊成吳福魏

仕元王仕達于謙石萬鰲潘體乾張仁張朝用丁鶴年江朝宗劉衛秦繼宗并土官奢劾忠天全土婦馬氏等共斬獲首級一百四十四顆生擒首惡阿元王阿才王等并餘蠻阿好等八十二名口奪回被虜阿啞等七名口共奪獲銅鼓二面標弩等器三千八百餘件又該三道會同總兵劉顯督發官兵吳鯨周于德吳憲王愷張大祥張閏劉瑄劉天受張來陳材周紹先哨長鄭寵等在貴州地名大盤山生擒蠻王阿二呈解本院審發紀功道驗核訖以上通共前後克破九絲凌霄都都黃土內官轎頂母猪雞冠弔猴印

靶得金得柔毛壩落晚筆架得杭得果都金得它得居落豹紅崖落外落卜小凌霄水樓和尚寺等大小險寨六十餘處焚燒墜崖并逃入深箐餓死者不計生擒斬級俘獲共四千六百一十五名口顆內稱王酋首阿大阿二方三阿花阿苟阿祖阿賞阿留阿益阿降阿甕阿歪阿擺阿撒阿瓦阿早阿苗阿果阿鄒阿高阿堯阿元阿才阿明阿訥阿義阿浪阿桂阿好阿閏阿網阿貢阿降阿勞阿謝阿玉等三十六名招安二千三百八十一名開拓田土周環四百餘里得獲諸葛鼓九十三面古文銅鍋一口鐵鍋一口梭槍

皇明奏疏類金 卷之四十八
標弩皮鼓等器二萬七千二百五十一件牛羊犬一
千五百一十餘隻穀穗約二萬二千餘挑焚燒房屋
板倉七千四百餘間當陣將牛隻槍弩穀穗犒賞有
功官兵銅鼓聽解及酌量官兵應撤應留行各將分
任責成外爲照戎縣都蠻犬羊異類豺虎兇資占據
中國版圖六鄉盡沒依憑殊方天險歷代逋誅盤據
九絲而以凌霄都寨爲羽翼出沒延袤不止數百餘
里憑陵六縣而以殺人放火爲嬉遊虐劉荼毒且將
二百餘年歷年或撫或剿竟以夷情叵測反墮其奸
遂使阻命近郊如同異域今者仰藉 聖明御極

至德明威布昭無外而碩輔本兵遠授訐謨以致文
武各官大小戮力遂使自古未克之雄巢雲中拔幟
積年逞兇之逆首麾下駢肩擒斬將逮五千威靈獨
伸萬里經營甫踰三月平成已定百年此誠西南未
有之奇功除相度形勢修建衙門經理田土善後事
宜陸續另議呈詳等因開報到 臣卷查嘉靖四十五
年內該前巡撫四川都御史譚綸案開戎連高琪都
蠻之患其來已遠先年征之率屬苟且了事以致懲
艾未深遺孽復肆良爲可恨除大舉征剿候計定題
請該道將領等官將堡隘遊兵如法訓練等因在卷

隆慶二年內准兵部咨為條列民瘼仰紆 聖懷事
該禮科都給事中何起鳴條陳處都蠻以除民害一
款本部覆奉 穆宗皇帝聖旨依擬行欽此又准
兵部咨為議定將領駐劄以安地方事該前巡撫四
川都御史陳炯題將永寧叅將改移歇馬壩駐劄以
控諸夷本部覆奉 穆宗皇帝聖旨是欽此隆慶
三年內又准兵部咨為叛蠻僭王大肆猖獗等事據
高縣民鄧通等奏又為叛賊僭稱王號大肆猖獗等
事據珙縣民尹文光等奏俱奉 穆宗皇帝聖旨
兵部知道欽此備咨前來隆慶四年內又准兵部咨

為積惡叛蠻大肆猖獗等事該前巡撫四川都御史
嚴清揭帖并該巡按四川監察御史王廷瞻題為都
蠻猖獗異常攻劫鎮隘綁虜職官懇乞 聖明嚴

諭撫臣亟圖征剿以彰 國威以保地方事內稱都
蠻大異往日擁眾千餘分枝四出燒燬各鄉廬舍蕩
然一空屠戮六縣居民殆無虛日地方大可憂可畏
莫甚於此及今若不亟為區處仍復因循故套不免
玩寇殃民遺將來不測之患等因該本部覆奉

穆宗皇帝聖旨這叛賊着嚴清會同安大朝督率各
該守巡將領等官作速征剿務期盡絕以靖地方廬

梁吳啓東都着革了任其餘依擬欽此隆慶五年內
又准兵部咨該前巡按四川監察御史王時舉題爲
叛蠻大肆猖獗綁虜官兵燒燬衙門事又該前巡撫
四川都御史陳瓚備咨前事開稱都蠻肆毒未息時
勢鼎沸原設叅將周宗遊擊謝崇爵叅議包汭僉事
田應弼剿賊均非所長若不建置大將難奏膚功等
因本部題奉 穆宗皇帝聖旨周宗謝崇爵姑着
戴罪殺賊包汭田應弼各罰俸二箇月欽此萬曆元
年七月內又准兵部咨該臣題爲計處地方夷情以
便剿賊事本部覆奉 聖旨是這蠻賊稱亂多年

着曾省吾劉顯悉力盡剿以靖地方欽此本年八月
內又准兵部咨該臣題爲仰仗 天威官兵奮勇計
擒賊首攻破險寨事本部覆奉 聖旨是這蠻寨

旣破着曾省吾劉顯督率文武將士乘勢運謀奮勇
進剿務要掃除盡絕以靖地方阿苟等即便處決梟
示其餘依擬欽此本年九月內又准兵部咨該臣題
爲貪肆將官負罪深重事本部覆奉 聖旨是征

蠻事重劉顯姑着上緊滅賊自贖立有奇功仍議陞
賞如逗遛觀望養寇殃民通論前事一併重處欽此
又准兵部咨該臣題爲計處兵糧酌議功賞以廣軍

儲以勵人心事本部覆奉 聖旨是欽此俱經備
咨前來通行欽遵外又該臣題為仰仗 天威再克
險寨併報分布官兵事具本題 知及多方畫策獎
率將士申明號令并行副使李江臨管督陣去後今
據前因參照都蠻種分孟獲號西南桀驁之夷地阻
夜郎賦豺虎貪殘之性雖漢土周遭率遵聲教而疆
梁中梗獨肆憑陵阿大雄據九絲復翼以方三等逃
囚愈加煽逆頻年勢吞六縣乃近將敘瀘等內地亦
罹沾危二百年撫剿相尋數十載猖狂益甚僭稱王
號擁旗幟而生殺一方屢抗官兵逞戈矛而震驚三

省綁拏千戶百戶莫敢誰何焚劫各堡各城幾無噍
類屠殺則膏骸遍野係虜則男女成羣戮及嬰兒又
貫棚叢炊以博戲剽施孕婦仍焚屍掘墓以淫威罪
稔惡盈鬼怨神怒奈以高山大箐向來稱亂既自負
巢穴之難窺而彼逸我勞前此出征亦誠苦樵蘇之
莫繼豈知地險本不足恃天網竟復難逃屬

英主御極之元年奮 赫怒安民之大勇 明見萬
里任帷幄以運前籌守在四夷自 廟堂而決勝算
謂茲寇不可玩其在法所必誅是以猛將桴鼓以折
衝勁卒控弦而敵愾糧糗浮江而下器甲列山以屯

首夏試兵而凌霄卽破於三日中秋結陣而九絲旋
滅於三旬旣西拔都都寨以除腹背之虞又北搗雞
冠嶺以絕咽喉之扼一掃零星小寨速若燎毛悉俘
梟獍大憝勢同破竹信有征而無戰果用夏以變夷
計首功數逾四千焚墜而死者無算約田地畝盈十
萬米穀所產者甚饒番夷震讐如鼓以雷霆咸謂
天威莫測童叟歡呼如出諸水火共祝 聖壽無
疆卽今已空彼巢穴而列障於吭背之巔以次當集
我兵民而雜耕其肥沃之野已洩幽明之憤永清巴
蜀之氛地方幸甚臣等幸甚所據 內閣輔臣遵

神斷以詰戎兵揚 主威而兼夷狄本兵大臣壯遠
猷於樞筦暢雄略於要荒此其勳庸簡在 聖心
俱非臣之所得言者及照前巡撫四川都御史譚綸
創謀剿賊矢志救民團練民兵製造火器今日之役
寔本受成陳炯嚴清陳瓚劉斯潔或議設將以經略
地方或清稅銀以儲蓄軍餉見任貴州巡撫都御史
蔡文義急鄰封預催將領前都給事中何起鳴巡按
四川監察御史王廷瞻王時舉先後睹陷溺之民次
第申撻伐之請前巡按四川監察御史孫濟遠當郭
成之論罷定反側於呼吸之間方劉顯之議征決可

皇明奏疏類金 卷之四十一
否於淆亂之際巡按四川監察御史孫代澄清共念
勉文武以忠勤開濟一心常夙宵而耿切紀法嚴於
告誡風采肅於官軍但與臣均爲憲臣遵奉明例
不敢論敘且是役也上憑朝廷寵靈下藉文武匡
濟臣等幸因人以成事敢貪天以爲功至於諸有
事於軍務效勞員役相應分別敘論以昭激勸照得
鎮守四川總兵官南京中軍都督府署都督僉事劉
顯氣本兼人心懷報國自請纓弱冠雄聲早著於
西陲今授鉞元戎偉績竟收於南服分數明而操縱
審且能邁衆以先登軍需節而籌策深尤善隨機以

應變洞知蠻徼計定則山岳不移爛熟戰場志堅而
精神愈奮功成三捷謀出萬全所當優論超擢者也
四川布政司左布政使羅瑤志慮忠貞才猷宏遠先
聲制勝而處夫處餉水陸各極其調停臨事防危而
本支折支倉庫皆餘於貯積憂勤關一體之念經濟
本八面之才右布政使馮成能器裕經綸資兼文武
始事而同猷共念方履任而力赴勩當機而遊刃
轉丸極擔承而心忘物我指顧生風雲於掌上笑談
出兵甲於胷中分守川西帶管督糧道左叅政王宮
用才氣恢洪謀猷練達驅馳山阪雖被目疾不辭蒸

暑之勞催督兵夫輒以身先每裕調停之策威信大
行於漢土勲勞茂著於邊陲四川按察司兵巡下川
南道副使李江忠誠任事慷慨臨戎勤早夜而衝冒
乎瘴雨蠻煙半載盡殫心力審張弛而彈壓乎漢兵
士卒諸營悉稟機宜論功較若權衡執法堅如金石
四川布政司分守上川南帶管下川南道右叅議沈
伯龍敏捷異才沉潛偉識轉輸正餉則碾解載運倉
卒辦而悉有章程措處雜需則牛酒魚鹽巨細充而
皆得要領機裕於風馳之羽檄慮周於星布之屯營
四川按察司屯鹽水利茶法道僉事周思充宅心端

亮持紀嚴明俘馘數千分被虜脅從之科絕無混亂
安插老幼重蠻男婦女之命皆得生全輿疾以犯炎
荒防奸而杜冒濫原任四川總兵今充爲事官郭成
氣類鷹揚恩聯虎旅挾必報之讐而斬關據隘先拔
鳳頭奮久創之志而冒險探巢遂夷猴嶺論功不後
所向無前原任貴州總兵今充爲事官安大朝忠勇
性生韜鈴夙練捐金募士勇赴千里之師期飲恨除
兇並舉九絲之大捷雖貴陽未免東隅之失而桑榆
已收西土之功敘瀘壩底迤西左叅將張澤貌委驍
雄謀亦縝密與士卒分甘啖苦而漢土歸心臨戰鬪

切齒裂背而蠻夷落魄凌霄固守寢甲綢繆九絲並
登塞旗鼓諫以上諸臣功當首論內副使李江勞績
卓異尤宜優敘郭成安大朝係革任聽勘俱應准贖
原罪仍行紀錄以備擢用及據安大朝執稱願為伊
子安榮贖罪但事在彼處未敢定擬張澤雖有驛丞
董思明被虜之失實為意外之虞况部下擒斬獨多
似應加陞以酬其功者也四川按察司按察使徐行
議大征而協恭贊決評元惡而據法得情四川布政
司分守下川南道右叅政楊文明計處散兵餘積之
糧力任善後屯田之策前任叅議張子仁志存立功

而議論激發事多託始而意氣縱橫貴州按察司分
巡貴寧道僉事沈聞威行接壤慮切息爭敘州府知
府陳大壯履險危而治水陸之餉道躬營度而建縣
堡之倉廩督造火器運船每忍饑而不知日昃綜理
甲兵錢糧雖被疾而猶至夜分出納會計精明應酬
安詳整裕同知曾可耕驅馳各隘而招緝有方櫛沐
多時而軍需有賴保寧府同知容朝望收支勤苦敬
事違恤身圖稽核嚴明奉公不避人怨敘州府今丁
憂通判洪一貫臨事有機運籌當可擒首惡旣多深
固之謀破凌霄又著經營之績通判朱充轉運兵糧

而劑量無誤綜核出納而侵冒悉除推官高文炳圖
議則計慮深潛而上下胥賴紀驗則查核明審而真
僞不淆龍安府推官吳文全効紀績之勤勞而艱險
不恤汰募卒之老弱而影射俱清威州知州羅向辰
志慮安詳猷為精密管理一營糧賞而樽節多方洞
悉六鄉夷情而謀猷悉中墊江縣知縣陳嘉言捷為
縣知縣楊汝柵調停供需而費省事濟計處懸賞而
將悅兵懷松潘東路左叅將胡大賓智能卽戎才堪
濟事糧運資防護之力要衝多保障之功四川都司
掌印署都指揮僉事胡恩僉書署都指揮僉事徐仁

威或司篆而軍需戎器之有資或從征而防突守隘
之有備四川行都司僉書署都指揮僉事侯一位提
調總營而防閑得體守禦尖山而緝捕多功原任遊
擊成都前衛指揮僉事吳繼祖督土兵約束有方處
懸賞鼓舞得算寧越守備沈茂提兵遠涉而克愛克
威奮勇長驅而多才多藝援枹身冒乎矢石斬關氣
貫乎虹霓原任廣東碣石把總福建漳州衛左所千
戶吳憲理營務造火器經畫有條訓募兵督戰陣辛
勤益著四川行都司僉書瀘州衛指揮今緣事韓似
甫督遊兵而捕緝多功守要隘而堵截甚警原任會

鹽守備保寧千戶所指揮今充軍田世武凌霄奮直
前之勇九絲效夾剿之勞以上諸臣功當次論內陳
大壯經營尤劇曾可耕容朝望朱充高文炳羅向辰
陳嘉言楊汝桺勞績獨多沈茂吳憲謀勇尤著似宜
優敘以酬其勞吳繼祖見在空閒相應紀錄韓似甫
田世武俱應准贖原罪者也保寧府通判丘梁師道
立邛州知州趙方立嘉定州知州張應亮宜賓縣知
縣許一德溫江縣知縣沈植榮縣知縣張九思新寧
縣知縣王完洪雅縣知縣王之緒威遠縣知縣張聯
奎井研縣知縣張震彭山縣知縣周應璧巴縣知縣

鄭宗學高縣知縣何汝質富順縣知縣劉方江安縣
知縣單汝光原任敘州府經歷今陞南溪縣知縣陳
忠原任成都縣知縣陳以莊播州宣慰司經歷王慎
或催夫僨運而憂勤備至或選兵散賞而馳驅不遑
且籌畫更多兵戎有賴敘南衛指揮尹從壽郭文魯
興周瀘州衛指揮申大謨名色把總吳鯨劉招桂周
于德劉天俸周紹先龔絡郁鳳張天祥張宋王用王
愷胡祿張潤邵榴郭天心徐軻百戶呂崇舟兵勇周
儉出奇制勝而揮戈於狐丘虎穴之間犯死當鋒而
收功於鬼谷鷓林之內以上諸員役亦當次論內丘

梁師道立許一德張九思勞久功多仍應優論吳鯨
周于德劉招桂督兵及兵勇周儉先登設計擒獲阿
大方三似應特陞周儉擢職以酬茂績者也部委指
揮孫銓奉差指揮王孝先千戶鄭元勳軍門中軍官
寧川衛指揮伊惟衡敘南衛指揮吳從周成都右衛
指揮李宗望朱承勛朱頤楊應昇成都前衛指揮周
繼商徐慎成都後衛指揮曹希彬寧川衛指揮陳嗣
昌納級指揮劉瑄南京留守中衛指揮費孔年寧番
衛指揮李承恩茂州衛納級指揮涂可達重慶衛指
揮徐春齡魏組瀘州衛指揮滕光國雅州千戶所指

揮廖道亨趙爵忠州千戶所指揮羅袍文簡成都中
衛千戶耿應元百戶周世祿李承祖成都後衛千戶
葉拱南百戶彭應年韓師愈王安國迷易千戶所轄
京重慶衛千戶倪能敘南衛千戶吳元勳吳烈戚芳
李必祿百戶樊啓元胡福丁希堯張之維陳元瀘州
衛千戶夏奇百戶于謙趙懋鎮撫張朝用廣安千戶
所千戶楊堂火渡河千戶所千戶陳暉百戶葉茂林
周勳雅州千戶所千戶劉衛成都右衛百戶李獻忠
潘繼武蘇繼武張承宗潘體乾邢仁江朝宗甘祿程
希閔成都前衛百戶宋震秦松張宗和張仁寧川衛

百戶孔繼祖郭之屏陳一策鎮撫余希忠越雋衛百
戶王鶴齡忠州千戶所百戶王嘉印貴州平越衛百
戶周應武武舉帖文華名色把總黃希忠陳材黃時
濟陳化李建聶永相劉汝悌謝秉華武秀吳賢李武
朱明杜棧王茂劉天元劉添榮張廷瓚郭天祿吳國
正張安福名色千戶彭良起王思相哨官湯鴻儒應
襲劉綖李師牧郭紹榮安榮或領兵攻寨而淬刃同
登或督兵贊謀而矢心同濟敘州府檢校徐圭簡州
同知張塾嘉定州判官毛元瀘州致仕判官魏宗陽
邛州吏目張茂春鹽亭縣主簿汪東秀雲陽縣主簿

賈奎井研縣主簿楊文楣洪雅縣主簿周崇恭金堂
縣主簿柴仕賢永寧宣撫司經歷陶漁萬縣典史蔡
欽江安縣典史何就雲彭縣典史黃忠南溪縣典史
李珪廣元縣典史蔡永芳永川縣典史張維城犍為
縣石馬灘巡檢司巡檢楊瑚江安縣板橋巡檢司巡
檢鄒文珙縣監生何鈺土舍何恩頭目阿牛通老黎
朝佩黎朝銀或隨營坐寨而獨犯難危或領兵支餉
而多効勞苦以上諸員役亦應敘論內孫鐙李宗望
張承宗張宗和周世祿李獻忠葉拱南鄭元勳楊文
楣楊瑚鄒文勤勞為最劉汝悌坐寨多功周崇恭汪

東秀賈奎蔡欽催兵理餉何鈺入寨撫蠻似應重賞
仍各查照功級敘陞黎朝佩黎朝銀應准贖原罪者
也及照史壩驛驛丞董思明罵賊而被方三刃死名
色把總徐子明誘賊而被阿大射亡合江縣典史張
大到任未久委造火器遭回祿延燒殞命坐營指揮
葛瓊統領營兵以忠憤成疾捐軀營山縣主簿陸韜
青神縣主簿宋謙以軍營効勞病故殊有可矜俱當
優恤以慰忠魂者也臣下當該令典鄧洪勳唐時并
據按察司送到臣處書辦一考役滿典史龔習箴總
兵劉顯下掾史吳應試當烽火驚心之時幹理一應

文移早夜弗遑委効勤苦亦應敘錄行據布按二司
右布政使馮成能副使李江僉事周思充議呈比照
各邊吏何彥清陳之奇楊曉羅儀等事例免其內外
歷役考試准令給由起送赴部照依本等資格選用
似應俯從其餘功次俱聽巡按御史覈實敘報并供
事指揮千百戶州判縣丞主簿典史巡檢驛丞等官
不能盡錄聽臣分別獎賞除行副使李江會同總兵
劉顯原任總兵郭成叅將張澤務將深箐以次督兵
砍伐若再有漏匿鼠賊嚴行搜捕盡絕以保無虞及
通行各縣大出榜文招回先年流移百姓今已漸次

皇明奏疏類金 卷之四十一
復業并將有功大小人員先行宴勞量犒陣亡被傷
軍兵照例優恤生擒叛蠻數多該臣於軍前酌行處
決并所獲首級發梟為惡地方俘獲老幼賊屬婦女
應變賣者變價入官不堪變賣者遠行安置被虜人
口查拘親屬領回一應善後事宜踏勘田土清理疆
界建設衙門掣留官兵俱候從長集議明白具
奏及將所獲諸葛銅鼓并古文銅鐵鍋另本進 獻
生擒蠻王阿大阿二方三或仍械獻 闕下或就近
行巡按御史處決并見監首惡俱候 明旨典刑外
伏望 皇上 勅下該部查將前項應陞應錄應

賞應准贖應免歷免考各員役并阿大等見監賊犯
通行覆議上 請彰勸典以勵羣工振紀法而圖長
治再照臣原 請調貴州守備劉天慶并烏銃手三
百名以該省巡撫回稱地方一日不可離難以輕發
臣卽止調尚有本省土兵如烏蒙烏撒播州東川鹽
井等處屢次差把目齎申各願自當一隊死且不恨
臣曉以兵已足用宜安心各守地方是以原 題貴
州安國亨安智之兵 臣亦置之不調至於奉調土兵
該 臣節行申飭毋許愆期毋蹈宿弊以取拏究又許
以平蠻之日查照功次一體敘論或給冠帶或加服

皇明嘉靖庚申年 卷之四十一
色或准實授以寓鼓舞各官兵聞令莫不踴躍前來
爭先効命如永寧宣撫司宣撫奢効忠西陽宣撫司
宣撫冉維屏石柱宣撫司宣撫馬斗斛鎮雄府土舍
隴清隴寄梅平茶長官司土舍楊正崇邑梅長官司
長官楊通承石柱土舍馬邦文永寧土舍奢崇禮頭
目邵明邦天全招討司土婦馬氏土舍高恒楊萬盛
石耶長官司土舍楊正魁平夷長官司副長官王用
文蠻夷長官司土舍文安民鎮雄目把胡藻從征雖
有先後而均切報 國之忠領兵固有多寡而共收
破賊之効均當叙賞內楊正崇襲取九絲奮勇先登

土官中能身親戰陣者正崇爲最奢効忠密邇都蠻
調兵獨多凌霄九絲獲功俱盛落武之賊又能設計
收降且父子三人始終勤勞頗知禮義雅有流官之
風冉維屏所部之兵素稱被調不馴今次極爲斂戢
一兵犯者卽斬以殉臥病營中尤爲敬慎且鳳頭之
捷忠勇爲先馬斗斛敬慎忠勇亦大略與冉維屏相
等隴清雖素稱有罪而今次兩調邇來一心圖報兄
弟謹畏寒暑馳驅據此中縉紳父老咸稱從來調兵
未有若斯勤慎以奔命神速以收功者仰見
皇上維新之化無遠不屆伏乞 勅該部查照雲

南等處用兵土官事例先行酌賜 欽賞仍行巡按
御史查明功次類報分別冠帶服色實授終身職銜
將見夷酋寶 大賚之金必流傳於百世子孫希
懋功之典益効順於萬年矣爲此謹題請 旨

恭進俘獲古器疏

曾省吾

據四川布按二司清軍右布政使馮成能分守下川
南道右叅議楊文明兵巡下川南道副使李江呈據
敘州府解送奉臣發下先該鎮守四川總兵官南京
中軍都督府署都督僉事劉顯等官兵克平九絲城
等寨得獲諸葛銅鼓九十三面今驗擇有聲者天字
號二十面地字號二十面人字號二十四面共六十
四面銅鍋一口鐵鍋一口呈乞驗明解 進等因到
臣卷查先據三道陸續呈解前來俱發該府貯庫已
經具本 題報又該臣會同巡按四川監察御史孫

代牌行各道逐一揀擇送_臣等覆驗起解除不堪者仍令照舊收貯外_臣等看得都蠻呼銅鼓曰諸葛鼓相傳以為寶器審阿大王等執稱鼓有剝蝕又聲響者為上上鼓易牛千頭次者七八百頭遞有等差藏至二三面者即得雄視一方僭稱王號每出劫擊鼓高山諸蠻頃刻雲集集則椎牛數十頭饗蠻乃出劫劫數勝益以鼓為靈_臣等細觀所鑄皆奇文異狀相錯蟠僅可辨者雕螭刻鷲間綴蝦蟇其數皆四縉紳父老云諸葛製以鎮蠻若曰鼓去則蠻運終理或然也及考蜀藝文志史臣楊慎所編內稱淳于古禮器

也廣漢什邡人段祖以獻益州刺史蕭鑑高一尺六寸六分圍三尺三寸圓如稍銅色如漆令去地尺餘以手振之聲如雷清響良久乃絕古所以節樂然不著所自始今以諸葛鼓證之疑即淳于銅鐵鍋二口皆阿大王所蓄製更奇異識者曰此非鍋乃鼎類也其名曰鶩詩曰漑之釜鶩是也音樂旨歸云鶩大上小下若甌鐺無足和羹用之或曰脯也亦無足乃其實足以函牛兩耳峙如山形蠻尤以為至寶即諸蠻多不得見其重又不啻銅鼓_臣等謹按春秋來歸衛俘三傳皆云衛寶解者曰俘取也與書俘厥寶玉義

同華陽國志云漢犍為郡寶鼎輝光於江流今九絲
 卽犍為地其為寶鼎非臣等淺昧所能識第決知必
 數千年以上物卽殷周未可知後世莫能製也方今
 皇上以天挺明聖 光紹大業純心任賢期登於極
 治是以宇內和平地不愛寶貢此古器白環素雉未
 足擅美前聞是宜獻之 大廷藏之 內府庶幾諧
 九成之奏佐烹飪之用傳示罔極計 廟堂公卿大
 夫博物洽聞必有知此器所從來考定其名以為
 皇上頌者臣等謹令製架裝盛差指揮張振上
 進外為此具本謹具題 知

經略平蠻善後疏

曾省吾

據四川布按二司清軍右布政使馮成能兵巡下川
 南道副使李江分守上下川南道右叅議沈伯龍楊
 文明呈奉臣案驗照得山都巢穴今已蕩平雖除既
 往之兇殘尚慮將來之釁孽蓋一時之功不足取快
 而百世之計所當永圖仰道會同該鎮并按都二司
 集議呈詳又奉案行各道親詣營中相度劑量旁求
 博訪遵依勘議前來會同鎮守四川總兵官劉顯按
 察司署印副使管大勳都司署都指揮僉事胡恩條
 議到臣該臣會同巡按四川監察御史孫代又行逐

欵面議斟酌古今之宜參伍漢夷之俗諮諏衆論商
確萬全除意見或殊理勢未妥者難以輕議其纖悉
委曲不妨隨事變通者又已一面陸續施行所有張
官置吏立所建城等項關重大之務係長久之宜者
謹條爲十事會議上 請如蒙乞 勅該部再加從
長酌議裁以遠猷定之上策使有遵依庶懲前慮後
防禦可以無虞用夏變夷經制因之漸備往昔稱亂
之區今當屹然成一巨鎮不惟鄰夷近土便於控扼
而雲貴壤接亦得相倚角以永治安矣未敢擅便爲
此開欵具本謹 題請 旨兵部覆奉 聖旨縣

名改做興文所名與做建武其餘俱依擬吏部覆奉
聖旨是驛名與做都寧倉名恒裕戶部覆奉
聖旨依議行

計開

一復兵道 查得下川南地方原設守巡兵備三道
隆慶三年內裁減分巡併歸兵巡一道今照守道駐
敘州巡道駐瀘州皆係內地相去蠻方動逾五日之
程且錢糧獄訟獨多勢難遠周荒徼而九絲初平經
綸草昧之始招攜懷遠均田治兵其勢必得憲臣專
力彈壓方克內修戎備外震諸夷且總鎮兵權雖重

而府州縣一應軍需糧食非有該道會同明文必難
調發故今日爲地方久安之策莫先欽奉 明詔遵
守 成法查復兵備與總鎮會同行事使文武相資
上下相繫庶克有成合無仍設兵備僉事一員請給
勅書關防於新建鎮城及長寧縣往來駐劄招集兵
民充實墩堡整飭敘馬二府瀘州所屬及敘瀘二衛
新所并永寧東川鎮雄烏撒烏蒙等土司地方兼理
錢糧訟獄合用官兵卽於所屬各縣民兵內挑選操
練附近土兵從宜調遣應用廩糧等項查照原設定
規編派及查瀘馬驛見設瀘州衛簡僻無用改入長

寧以便供應驛名應合更換請乞 欽定改鑄印記
其兵巡下川南道仍舊分巡原領 勅書關防暫留
捧使以便行事遵候 頒給原印或另更換至日并
瀘馬驛舊印徑自 奏繳庶事有統紀邊方之憲度
一新而職有專司善後之安攘有賴矣伏候

聖裁 一設府佐 照得都蠻旣平夷方盡爲中
土矣但去府城數百餘里據土司四面之中勢頗孤
懸又山川險阻夷漢錯雜必得文官分理於下方保
無虞但遽議郡縣則荒惡之區所居未能成聚附之
鄰近縣分則聲勢隔絕未免仍復生奸僉議謂設同

皇明奏疏類編 卷之四十一
知兼理民兵似為得策及查敘州府先年仍有通判一員駐劄嘉明鎮督糧後行裁革今見奉 明詔查復成法合無於該府添設安邊同知一員照依各省海防事例 欽降關防專駐新築所城管理兵餉收放稅糧清理詞訟安撫民夷上承兵道委用下定武職賢否其合用俸薪門皂俱暫於敘州府屬縣增編待本處糧課起徵卽就近支解各縣增編者除豁凡上司按臨除考察外其餘時日俱在所城供職不得以叅謁為由曠廢軍政上司亦不得別項差委容許迎送其收放糧餉合用倉官請乞 欽定倉名銓選

一員鑄給印記攢典行布政司查撥一名專聽同知提調稽查庶邊鎮政刑俱有統紀而錢糧出納亦有責成矣伏候 聖裁 一建城垣 照得安內

攘外固以設險為要圖而况啓土建邦尤以築城為首務今照山都地方周圍數百餘里扼險設要尤必得道里適中形勢之區方足以壯居重馭輕之勢據司道等官奉 臣明文看得各寨舊名多惡宜更換以新耳目權將九絲城呼為平蠻城凌霄城為拱極城印靶山為文印山弔猴山為降蠻山雞冠嶺為金雞嶺內官寨為武寧山都都寨為都定寨隨踏勘得武

寧山一處地土寬平風氣湊集坐西向東前對文印山後坐金雞嶺左扼平蠻右倚都定應於本處建城以爲雄鎮就前面大河爲壕城制周圍計九百丈開東南西北四門內設總兵兵備道衙門同知府館守禦千戶所坐營公署倉場庫獄城隍廟旗纛廟各一所修蓋營房一千二百間另立演武廳於馬草坡其合用木石磚瓦等料及造作工費聽守巡道委官估計呈詳修理但前項城寨名色係一時權改臣等未敢擅便及照都蠻旣平戎縣縣名亦應改換以易夷風統乞 欽定行臣等刻石遵守併改鑄縣印伏候

聖裁

一移守禦

照得城垣旣建應有守禦官

軍世守本土而外用招兵協守則主客相濟斯保無虞今照敘南衛三所軍數僅一千有零又經 題撥馬湖府一所難以別議查得附近瀘州衛先與瀘州同郭止設左右中三所成化年間因大壩蠻叛將該衛改調太平九姓二長官司適中之地 奏將重慶衛前所全伍官軍割附瀘州衛湊併四所每所額設旗軍一千一百二十名今蠻旣蕩平卽當全衛改入九絲但該衛去新建所城不滿百里分兵兩地同禦一方聲勢足以相接控扼尤爲便益合無將該衛中

前二所官軍割併守禦千戶一所及將敘南衛原守
隘官軍有屯田附近九絲者行兵備道查明附改新
所差操充實營伍請乞 欽定所名另 頒印信直
隸都司仍於敘南瀘州二衛指揮內軍政考選一員
掌管所印吏役聽布政司註撥其瀘州衛二所舊印
另行奏繳官軍俸糧於該衛原額內照數撥運待二
年之後於該所田糧內量加衣布銀兩以優恤邊軍
永固疆圉伏候 聖裁 一理疆土 照得平
蠻地方延袤廣遠疆界當清而田土膏腴經制宜定
東南與永寧九姓太平二長官司東北與戎長高琪

筠連諸縣西北與鎮雄府威靜二司相連四面界限
已經守巡道同總鎮委官清查明白豎立石碑以杜
侵爭其見在田土一面委官丈量分別上中下三等
上田每畝起科四升中田三升下田二升造冊收查
一面廣行招集附近軍民有情願受廛爲氓者各委
官就籍名在冊分定某處任居量其人力衆寡撥給
田畝卽爲世業仍分別某人上中下田糧各若干新
造黃冊註定某里某甲每年止徵本等額糧本折各
半一應驛傳鹽鈔丁差雜泛俱行免派其高山深谷
不便耕種者分撥近住居民樵牧俱免起徵內有茶

利者仍丈量畝數官佃與軍民採摘每畝徵銀一錢
收貯所庫專聽兵道總鎮賞犒軍兵布花之費前項
田地稅糧俱待二年之後徵輸聽安邊同知催徵收
放置立循環文簿送兵備道稽查及照所城新設遐
荒百無一備戍守官員相應酌其職之崇卑將附近
田地量行撥給以敷薪菜馬料之資總兵衙門田地
各一百五十畝同知衙門田地各八十畝新設千戶
所掌印指揮一員田三十畝千戶每員田二十畝百
戶每員田十畝不拘田地永不起科其總兵衙門廩
給每日五錢於瀘州商稅銀內動支待新定地方賦

有定額卽於本處徵解田地候裁革之時止給一半
與遊擊衙門耕種餘一半入官另行招人領種辦納
糧差伏候 聖裁 一扼要害 照得平蠻地

方漢夷雜居犬牙交錯重之險道連雲深林積霧絕
谷懸崖易爲狐兔跽伏之所卽今巢穴雖空未免逃
匿兼之土夷往來彼此構釁必須多方設備以戒不
虞除調到土兵已經撤散應留軍兵酌量存用外所
據有名險寨及緊要隘關俱應設立堡墩互相守望
今於得窰口魚井坑蠻寨文印山得杭都定寨得勝
營黑帽尖山毛壩拱極城頂冠山各設堡一所每處

用兵五百名又於平蠻城山頂設墩四所脚板崖竹栢嶺金雞嶺阿元寨平寨高寨降蠻山得九麥易營黃連洞和尚寺銅礦溪落照谷爆筆架山口蠻壩飯甑陳四落甕各設墩一所每處用兵伍十名深溝子銅鑪芭蕉歇馬青岡每處用兵一百名以上官兵卽於總兵劉顯拜原任總兵郭成參將張澤標兵及上年設隘原兵并今年近募新兵內挑選共足一萬七千六百名分割前項堡墩備行總兵劉顯督同大小將領統攝防守一應機宜悉聽總鎮調度候萬曆二年三月終將前兵汰減七千六百名年終汰減五千

名止存五千名候調撥軍兵赴所分撥墩堡防禦及待二年後田糧起徵編取民兵再行遞減并各墩堡應留應革亦俟以漸裁議庶軍實旣足而錢糧以次可省矣伏候 聖裁 一起民兵 照得蠻方

險遠應有戍兵防守見今分布各堡隘者俱係雇募官兵漸當裁減今照本處沃田數多應以本地之利供本處之兵庶可以省公帑之費免轉輸之勞所據見在標兵卽使授田屯守似亦寓兵於農之意但各兵係四方選集無用籍可稽而遽使坐受糧餉之人轉驅南畝風氣不調勞苦不耐勢必逃移他日田土

荒蕪不無後慮若作軍田照屯則起科則子粒太重
人不樂從募民實塞與額兵屯田事體自難一律衆
論參詳俱屬不便今議招集附近土著軍民領種田
土二年之後照畝起科誠為便利然止徵稅糧不起
鄉兵則所取甚微養兵太少亦非長計合議以糧起
兵就令於附近隘所防守自衛身家卽保甲相聯守
望相助之意非所以為厲也合無待戶籍既定居民
湊集之日每糧二石起丁壯一名卽令於相近隘堡
處所聽委官調度操練防禦安邊同知親加督理嚴
禁堡官私役科求等弊兵道亦不時稽查以寬恤新

民充實邊土伏候

聖裁

一 通道路

照得

蠻夷未平則阻隘塞關以遏截為上蠻夷既平則伐
木通道以開治為先平蠻地方在萬山之中往來曲
徑俱由箐林絕壁豺虎縱橫往時蠻衆每由間道出
劫而漢民不敢經行必由羅星落亥迂路需遲今既
蕩平巢穴則山溪便道隨處可通西則由歇馬漢村
達黑帽尖山以入得勝營東則由長寧達蠻埡口以
至毛壩營北則由得窰口達魚井以至文印山及諸
小道可以往來俱行總兵劉顯委撥官兵剪伐林木
開治平夷其外則南廣水路一道直達新城中間有

趙木二灘亦當開濬徑通舟楫以達該所仍修造大河船十隻伺兵備道總鎮衙門巡歷之用陸路自叙州府經由慶符高縣至珙縣計程速則三日緩則四五日若自南廣間道從月口漢陽薄刀嶺羅洗場龍灣鎮日半可以徑達珙縣但以中途無止宿之處夫馬無接遞之便遂阻不行今應於羅洗場適中地方設一公館就將戎長高珙慶筠宜賓七縣原僉夫馬內每縣抽取馬十匹共七十匹夫十五名共一百零五名委官一員管束在彼荅應公差只換夫馬不支原糧再於薄刀嶺漢陽壩二處令慶符縣添設鋪分

二所自珙縣起至新所沿途十里設鋪與薄刀漢陽二鋪每鋪俱徃編司兵二名遞送公文應給工食照各縣所轄地方編派屬新所地界者暫行珙縣動支官銀雇募候二年之後於該所應徵稅糧內動銀雇役以上造船水手應修公館鋪舍錢糧等項俱聽守巡二道委官估報修理伏候

聖裁

一設社學 照得修文來遠貴戢干戈而用夏變夷莫先教化今蠻荒初闢旣建鎮城本宜立學設官以修文教但犬羊餘風遽難盡革且人民招集未多經制應當有漸合無於新所之中設立社學一處大書

聖祖教民榜文掄選近縣年高有德明於講說者二
名送赴學中爲教讀塾師令新集之民朔望赴學聽
講 聖諭其後生子弟送學訓教詩書漸變夷風
歸依大道安邊同知親行提調應給教讀燈油米菜
於茶稅銀內動支持後人民湊集生長日蕃另議建
學育材庶夷夏同氣而文命覃敷無遠弗届矣伏候
聖裁 一恤民困 照得高筠戎珙慶長六縣人
民二百年來被都蠻荼毒最苦最深丁壯非被虜掠
卽散之四方老弱非遭殺戮卽轉於溝壑田地盡成
草莽村舍盡成丘墟白骨如麻冤鬼野哭雖有子遺

之民挨縣居住亦朝不保暮而六縣之官徒擁空名
有選出不赴任者有赴任卽乞休者此以前時勢孤
危有不可盡狀者今仰荷 皇上神武銳意除殘
流離之民漸次復業隨據守巡下川南道議得復業
艱難將軍前支剩米豆量動四萬石權爲分別賑濟
但前米係各倉久貯賑穀所碾幸而因糧於賊得此
餘剩堆放之久未免沤爛前項極困之民若非破格
蠲免何以慰更生之望扶起瘡痍及照全省順逆水
次州縣轉運兵餉辦理雜需軍機所係急於星火亦
屬偏累所當併恤伏覩隆慶六年六月初十日欽奉

詔書內一款一軍國錢糧隆慶二年三年四年各量
免十分之三等因欽遵外及查六縣賦稅不多合無
將萬曆元年以前小民拖欠各項錢糧悉從特免
其餘濱江州縣合將前項應免年分錢糧除已免已
完外其未完之數俯准減豁以寬小民供辦之力以
溥皇上浩蕩之恩則所謂既出諸水火而又加
之衽席之上民益安集歡欣內地實而外患永消矣
伏候 聖裁

皇明奏疏類鈔卷之四十八終

